

## Script of Evening Gojri News Bulletin 04 January 2025 at 1700 Hrs

ایوٹننگ گو جری نیو ز بلیٹن مو رخہ 04 جنوری 2025

### Headlines :-

1★ وزیر اعظم نریندرمودی نے بھارت منڈپم مانہہ 6 روزہ گرامین بھارت مہو تسو گو افتتاح کرتاں واں گرائیاں نانہہ باوقار زندگی فراہم کرن بارے اپنی سرکار غی پہل غو اعادو کیو۔

2★ قومی تحقیقاتی ایجنسی این آئی اے نے لشکر طیبہ دہشت گرد تنظیم غا دہشت گردی معاملہ مانہہ ساتھ دین آلا اک کلیدی ملزم غی جدائیداد ضبط کی ہے۔

3★ وزیر صحت سکینہ اتو نے کہیو ہے جے شفاخانہ مانہہ مریضاں غی دیکھ بھال ور کوئی سمجھو تو نہیں کیو جائے گو، تے ڈاکٹراں نانہہ مریضاں نانہہ عزت نال دیکھنو چاہیے۔

4★ ذرعی پیداوار تے دیہی ترقیات غا وزیر جاوید احمد ڈار نے کہیو ہے جے پردھان منتری آواس یوجنا گرامین سکیم جموں کشمیر لسا طبقات غی باز آبا دکاری واسطے کافی اہم اسکیم ہے۔

5★ تے محکمہ موسمیات نے پلک تے 6 جنوری واسطت ”یلو الرٹ“ جاری کیو ہے، آئندہ 6 جنوری توڑی پہاری بارش تے برفباری متوقع ہے۔

\*\*\*\*\*

### PM Grameen Mahotsav

وزیر اعظم نریندرمودی نے اج سرکار غا اس نظریہ ور زور دتو جس مانہہ گرائیاں نانہہ ترقی اور مواقع غا متحرک مرکزوں مانہہ بدل غے بندوستان غا گرایاں نانہہ با اختیار بنانو شامل ہے۔ وزیر اعظم نے اس گل ور لو کہلتاں واں کہیو کہ سال 2014 تیں سرکار گرائیاں لوکاں نانہہ با وقار زندگی فراہم کرن غی پہل غے نال دیہی بھارت غی لگاتار خدمت کر رہی ہے۔ اُن نے مزید کہیو کہ سرکار نے برگراں مانہہ بنیا دی سہولیات نانہہ یقینی بنان خاطر مہم شروع کی ہے۔ وزیر اعظم نے یاہ گل گرامین مہو تسو گو افتتاح کرن تیں بعد اجتماع سنگ خطاب کرتاں واں کہی۔ جھپڑو نوی دہلی غا بھارت منڈپم مانہہ 4 تیں 9 جنوری تک منعقد ہو ریو ہے۔ اس مہو تسو گو عنوان ”وکست بھارت با رے اک بو جان آلا دیہی بھارت غی تعمیر 2027“ ہے جس غو مقصد گراں بدھے غو تے ملک بدھے گو ہے۔

\*\*\*\*\*

### NIA Chargesheet

قومی تحقیقاتی ایجنسی این آئی اے نے کل اک اہم ملزم غی جائیداد ضبط کی ہے، جھپڑو لشکر طیبہ دہشت گرد غا ملوث اک تصادم نال نال جُڑیا جموں کشمیر غا اک معاملہ مانہہ شامل ہے، ملزم محمد اکبر ڈار لشکر طیبہ دہشت گرد اُزیر خان غو اک

ساتھی تھو، جس نے خان نانہہ نقل و حمل دوران امداد، ربن بسپرو تے خوراک سمیت خُفہ جانکاری وغیرہ فراہم کی تھی۔ واضح رہے جے جموں کشمیر مانہہ دہشت گرد نیٹ ورک غے خلاف اپنی کا روائی غا اک حصہ غا طو ر این آئی اے نے کوکرننگ علاقہ مانہہ ڈار غی غیر منقولہ جائیداد ضبط کر لی ہے۔ محمد اکبر ڈار نانہہ 20 دسمبر 2023 نانہہ ان غی رہائش گاہ تیں اے کے 47 غا 40 زندہ روند اور دیگر مجرمانہ مواد برآمد ہون غے بعد گرفتار کیو گیو تھو۔

\*\*\*\*\*

### **Sakina Itoo Hospitals**

جموں کشمیر غی وزیر صحت سکینہ ایتو نے کہیو ہے کہ سرکار شفاخانہ مانہہ مریضاں غی دیکھ بھال ور کوئی سمجھوتو برداشت نہیں کرے گی۔ چھاتی غا مرض با رے شفاخانہ سرینگر غو دورو کرن تیں بعد نامہ نگا راں سنگ گل کرتاں واں کہیو جے مریضاں غی دیکھ بھال بہت ضروری ہے تے ہم شفاخاناں مانہہ اس ور کسے قسم غو سمجھوتو نہیں ہون دیساں۔ مریضاں تے طبی عملہ دوہاں مسئلاں نانہہ حل کرتاں واں اُنہاں نے حساس مریضاں با رے لفتاں تے ریمپ سمیت بہتر بنیا دی ڈھانچہ غی لوڈ ور زور دتو تے نال ہی ڈاکٹراں اور مریضاں گا ہمدردانا تعلق غی اہمیت نانہہ اُجاگر کیو۔ اُنہاں نے صحت غی دیکھ بھال غی خدمت نانہہ منصفانہ تے برابری فراہم کرن نانہہ یقینی بنان با رے سرکار غا عزم غو یقین دایو۔ اس موقعہ ور بولتاں واں وزیر موصوفہ نے اس طرح کہیو۔۔ بائٹ۔۔

\*\*\*\*\*

### **DC Kishtwar Visit**

ڈپٹی کمشنر کشتواڑ راجیش کمار شون نے اج تحصیل کشتواڑ غا دفتر غو دورو کر غے اُت عوامی خدمات نانہہ بہتر بنان با رے اک پہل مانہہ مذکورہ دفتر غا کم کاج غو جائزہ لیو۔ بہتر سہولیات غی ضرورتاں نانہہ منتاں واں ڈپٹی کمشنر تے تحصیل دفتر غا تزئین تے آرائش با رے فوری کا روائی غی ہدایت کی، تانجے کم غا ہو ر بہتر ماحول نانہہ یقینی بنایو جا سکے۔ اُنہاں نے عوامی بیت الخلاء غی ترقی تے صفائی غا بہتر سہولیات نانہہ وی ترجیح دتی۔ جس غو مقصد مقامی لوکاں نانہہ بہتر سہولیات فراہم کرنو ہے۔ یہ اقدامات عوامی خدمات نانہہ بہتر بنان تے مقیمان لوکاں غی بھلائی بہتری نانہہ یقینی بنان خاطر انتظامیہ غا عزم نانہہ ظاہر کرے۔

\*\*\*\*\*

### **MLA Haveli Poonch**

اسمبلی حلقہ پونچھ حویلی غا قانون ساز اسمبلی غا رکن اعجاز احمد جان نے پونچھ شہر غا ڈاک بنگلہ مانہہ جاری ترقیاتی کماں غا جائزہ غا سلسلہ مانہہ اک بیٹھک بلائی۔ مذکورہ بیٹھک مانہہ تعمیرات عامہ، دیہی ترقی، جل شکتی، باغبانی، ذراعت تے تعلیم سمیت بکھ بکھ محکماں غا اعلیٰ عہدیداراں نے شرکت کی۔ مذکورہ قانون ساز

اسمبلی غا ممبر نے حویلی غا لوکاں نانہہ فائڈو پجان با رے منصوباں نانہہ تیز کرن ور زور دتو، جس مانہہ سڑکاں غا رابطہ، پانی غی فراہمی با رے ڈھانچہ تے تعلیمی سہولیات ور توجو دتی گئی۔ اُنہاں نے منصوباں ور عمل درآمد مانہہ شفافیت، جوابدہی تے معیار ور زور دتو۔ ایم ایل اے موصوف نے لوکاں نانہہ اُن غا تحفظات غا فوری آزالہ تے اِن ترقیاتی منصوباں نانہہ متھی وی مُدت غے اندر مکمل کرن با رے یقین دوايو۔

\*\*\*\*\*

مزید خبراں نال محمد اکرم چودھری۔ ور اُس تیں پہلاں یوہ پیغام۔(یہ خبر تم آکاشوانی جموں تیں سُن رہیا ہیں، تے یہ خبر مہاری ویب سائٹ نیوز آن آئیر ڈاٹ گوو ڈاٹ ان ور وی دستیاب ہیں، اس تیں یہ خبر مہاری مو با ٹل ایپ تے ڈی ٹی ایچ ور وی دستیاب ہیں)

### PM AY-G Javed Dar

ذریعی پیداوار تے دیہی ترقی غا وزیر جا وید احمد ڈار نے آج پر دھان منتری آواس یو جنا گرامین نانہہ سستی رہا ئش فراہم کر غے سماج غا اِسا طبقات غی ترقی خاطر اک اہم اسکیم قرار دیتاں واں اُس تیں صحیح معناں مانہہ فائڈو چاہن آلاں غی شناخت تے شمولیت نانہہ یقینی بنان با رے اہمیت ور زور دتو۔ مذکورہ وزیر نے جموں کشمیر مانہہ گرائیں کہہ کوٹھاں ور (پی ایم اے وائی جی) غی تبدیلی غا اثرات ور لو کہلتاں واں اس غی شفافیت، جوابدہی تے منصوباں غی ویلہ سرے تکمیل غے نال نال فنڈ غا صحیح استعمال ور زور دتو۔ وزیر موصوف نے سرینگر مانہہ اس سلسلہ مانہہ اک کارگاہ سنگ خطاب کرتاں واں دسیو بھالیو تے نال ہی عہدیداراں ور زور دتو جے وے مذکورہ طبقات غے نال جڑیا رہیں اور بہتر حکمرانی خاطر اُن غی درپیش مشکلاں نانہہ دور کریں۔

\*\*\*\*\*

### JK PDCL PM SuryaGhar

جموں بجلی ترقیات کا رپو ریشن لمیٹڈ (جے پی ڈی سی ایل) غا انتظامی ڈائریکٹر محمد یاسین چودھری نے پی ایم سورہہ گھر مفت بجلی یوجنہ غے تحت شمسی چھتاں غی تنصیب ور 65 فیصد امدادی رقم غے ذریعے لوکاں نانہہ بجلی غاپلاں مانہہ بچت کرن مانہہ مدد کرن غا مرکزی سرکار غا قدم ور لو کہلی۔ مذکورہ افسر نے کہیو جے توانائی غا صارفین اُن توانائی پیدا کرن آلا بن سکیں۔ اس سلسلہ مانہہ گل کرتاواں جے پی ڈی سی ایل غا انتظامی ڈائریکٹر محمد یاسین نے اس طرح کہیو۔ بائٹ۔۔ مذکورہ منصوبہ تیں فائڈو چان آلا لوکاں نے امدادی رقم غی حمایت غی تعریف کی، جھپڑی شمسی توانائی نانہہ مزید قابل رسائی تے شمسی بنا رہی ہے۔ یاہ اسکیم نہ صرف بجلی غی لاگت نانہہ کہٹ کرے بلکہ قابل تجدید توانائی غا استعمال غی حوصلہ افزائی کرے۔ تے نال ہی اہل خانہ نانہہ فائڈو پجاوے اور اک پائیدار مستقبل

مانہ فائدو چاہن آلاں خاطر اپنی خدمت پیش کرے۔ اس سلسلہ مانہ بولتاں واں اک  
مستفید نے اس طرح کہیو۔۔ بائٹ

\*\*\*\*\*

### JK Gymnast

جموں کشمیر غی کسرت با رے ماہر ویبھاوی شرما نے سورت مانہ جا ری کسرت با  
رے قومی متوازن پہلوانی مقابلہ مانہ شاندار کا رکر دگی غو مظاہرہ کرتاں واں جو  
نئیر زمرہ مانہ دوجی بہترین کسرتی ماہر غو خطاب حاصل کیو ہے۔ اس غی شاندار  
کارکردگی قومی سطح وراس غی بدھتی وی کامیابیاں مانہ بابدو کرے۔ اس تیں علا  
وہ جموں کشمیر جوئیر کسرتی ٹیم جس مانہ ویبھاوی شرما، پراچی شرما، شرنیا تے  
انیکا شامل ہیں نے ٹیم چمپئن شپ تقریب مانہ چاندی غو تمغو جتیو ہے۔ اس مقابلہ  
مانہ مہاراشٹر نے سونا غو تمغو اپنے نام کیو ہے۔ ویبھاوی نے انفرادی آلات غا فائنل  
مانہ وی اپنی جگہ بنائی ہے۔ جس سنگ جموں کشمیر واسطے ہو رتمغاں غی اُمید  
بدھ گئی ہیں۔ مذکورہ تقریب بندو ستان نے اظہر بھائی جان بشکا راک مفاہمت نامہ  
غے تحت شروع کی گئی۔ جس مانہ مقامی کسرت بازاں نانہ عالمی مہارت حاصل  
ہوئی۔

\*\*\*\*\*

### Army Camp

تعلیم غا تسلسل نانہ یقینی بنان غے مد نظر اہم کوشش مانہ سموٹ مانہ بھارتی  
فوج نے ضلع راجو ری گا اُچا علاقوں مانہ گجر اور بکروال بچاں واسطے کو چینگ  
کلاساں گو اتمام کیو ہے۔ واضح رہے کہ ڈیرہ غی نقل مکانی غے دوران جد کُنہ اپنا  
مال مویشیاں نال ڈوکاں مانہ چلیا جائیں تے اس وجہ سنگ بچہ اکثر 8 ماہ توڑی  
اسکول توں محروم رہیں۔ اس نال نمڑن واسطے فوج نے ان غی تعلیم مانہ کسے  
قسم غا خلل نانہ روکن واسطے کلاساں غو قیام کیو ہے۔ تقریباً 65 بچاں نے اس اقدام  
تیں فائدو چایو ہے۔ جس ناہ انتظامیہ نے ان کا مستقبل ور مثبت اثرات واسطے سراہیو۔

\*\*\*\*\*

### Weather

محکمہ موسمیات نے جموں کشمیر مانہ 5 تے 6 جنوری نانہ ”پلو الرٹ“ جا ری کرتاں  
واں کہیو کہ مذکورہ مدت غے دوران گُجھ اک مقامات ور تگڑی بارش تے برف پین غو  
امکان ہے۔ آکاشوانی جموں غا نامہ نگا رنے خبر دتی ہے کہ محکمہ موسمیات نے  
پیشنگوئی کی ہے کہ 4 تیں 6 جنوری تک جموں خطہ غا میدانی علاقوں مانہ ہلکی  
تیں درمیانہ درجہ غو بدل جد کہ پورا جموں کشمیر غا اکثر مقامات ور برف پین غو  
امکان ہے۔ 5 تے 6 جنوری نانہ برفانی تودا ٹہن، پسی پین تے اُچیاں تھاراں وروں پتھر  
چھڑکن نال گڈیاں لا ریاں غی آمدورفت مانہ خلل ہو سکے۔ تاریخی مغل شاہراہ  
جہیڑی وادی کشمیر نانہ خطہ جموں غا سرحدی ضلع راجو ری تے پونچھ نانہ جوڑے

آج ستویں تہاڑے وی اُوچا علاقاں مانہہ تازہ برفباری غی وجہ تیں بند رہی۔ آکاشوانی جموں غا نامہ نگار نے خبر دتی جے مُغل شاہراہ ور تلکن غی وجہ تیں گڈیاں لا رباں غی آمدورفت بدستور معطل رہی۔ اس سلسلہ مانہہ ایس ڈی ایم سرنکوٹ فاروق خان نے کہیو کہ پیر کی گلی غے نیڑے غا علاقاں مانہہ کل سویرے 3 تیں 5 انچ برف پین غی وجہ تیں مذکورہ شاہراہ بدستور بند ہے، تے سڑک غی بحالی موسمی حالات مانہہ بہتری تیں بعد ہی ممکن ہے۔

\*\*\*\*\*

خاص خاص خبر اک وری فرسُن لیو۔

1★ وزیر اعظم نریندر مودی نے بھارت منڈپم مانہہ 6 روزہ گرامین بھارت مہو تسو گو افتتاح کرتاں واں گرائیاں نانہہ باوقار زندگی فراہم کرن بارے اپنی سرکار غی پہل غو اعدا کیو۔

2★ قومی تحقیقاتی ایجنسی این آئی اے نے لشکر طیبہ دہشت گرد تنظیم غا دہشت گردی معاملہ مانہہ ساتھ دین آلاک کلیدی ملزم غی جدائیداد ضبط کی ہے۔

3★ وزیر صحت سکینہ ایتو نے کہیو ہے جے شفاخانہ مانہہ مریضاں غی دیکھ بھال ور کوئی سمجھو تو نہیں کیو جائے گو، تے ڈاکٹراں نانہہ مریضاں نانہہ عزت نال دیکھنو چاہیے۔

4★ ذرعی پیداوار تے دیہی ترقیات غا وزیر جاوید احمد ڈار نے کہیو ہے جے پردھان منتری آواس یوجنا گرامین سکیم جموں کشمیر لسا طبقاں غی باز آبا دکاری واسطے کافی اہم اسکیم ہے۔

5★ تے محکمہ موسمیات نے پلک تے 6 جنوری واسطت ”پلو الرٹ“ جاری کیو ہے، آئندہ 6 جنوری توڑی پہاری بارش تے برفباری متوقع ہے۔

\*\*\*\*\*